



Broj: 12-14-51-1/19
Sarajevo, 14.01.2019. godine

Na osnovu člana 70. Zakona o javnim nabavkama ("Službeni glasnik BiH", broj: 39/14) i preporuke Komisije za provođenje postupka nabavke, putem postupka – konkurentski zahtjev za dostavu ponuda za izbor najpovoljnijeg ponuđača za pružanje usluga za održavanje i servisiranje službenih vozila za potrebe Ureda za reviziju institucija u Federaciji BiH (obavještenje o nabavci broj: 296-7-2-19-3-24/18 objavljeno na Portalu javnih nabavki 14.12.2018. godine), date u Zapisniku sa evaluacije, generalni revizor, donosi

ODLUKU

o poništenju postupka javne nabavke-nabavka usluga održavanja i servisiranja službenih vozila u garantnom roku marke Volkswagen - LOT 3

I

U postupku nabavke – konkurentski zahtjev za dostavu ponuda za izbor najpovoljnijeg ponuđača za pružanje usluga za održavanje i servisiranje službenih vozila za potrebe Ureda za reviziju institucija u Federaciji BiH podijeljen po lotovima, prihvata se prijedlog komisije za javne nabavke od 08.01.2019. godine (prijedlog sadržan u zapisniku o pregledu i ocjeni ponuda) i poništava se postupak javne nabavke: Usluge održavanja i servisiranja službenih vozila u garantnom roku marke Volkswagen - LOT 3.

II

Zadužuje se Odjeljenje za pravne i opće poslove i ljudske resurse, da ovu odluku dostavi ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove odluke, elektronskom poštom, preporučenom poštom ili neposredno.

III

U skladu sa članom 99. i članom 101. Zakona o javnim nabavkama protiv ove odluke može se uložiti žalba u roku od 5 (pet) dana od dana zaprimanja odluke.

Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom.

Žalba se podnosi u dovoljnom broju primjeraka, a koji ne može biti manji od 3 (tri).

IV

Ova odluka stupa na snagu danom potpisivanja.

Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ) je u skladu sa odredbama Zakona o javnim nabavkama ("Službeni glasnik BiH", broj: 39/14) i Odlukom broj: 12-14-2225-1/2018 od 04.12.2018. godine, pokrenuo postupak nabavke putem postupka – Konkurentski zahtjev za dostavu ponuda za izbor najpovoljnijeg ponuđača za usluge održavanja i servisiranja službenih vozila za potrebe Ureda za reviziju institucija u Federaciji Bosne i Hercegovine za budžetsku 2019. godinu.

Obavještenje o javnoj nabavci, broj: 296-7-2-19-3-24/18 objavljeno na Portalu javnih nabavki 14.12.2018. godine.

Postupak je provela Komisija imenovana Rješenjem generalnog revizora broj: 12-14-2226-1/18 od 04.12.2018. godine, koja je o istom sačinila: Zapisnik o zaprimanju ponuda od 27.12.2018. godine, Zapisnik o otvaranju ponuda od 27.12.2018. godine, Analitički prikaz traženih i dostavljenih dokumenata-Kvalifikacija ponuđača br.12-14-2226-9/18 od 08.01.2019. godine, Zapisnik o pregledu i ocjeni ponuda br. 12-14-2226-10/18 od 08.01.2019. godine.

U postupku pregleda i ocjene ponuda utvrđeno je da:

- Ugovornom organu jedan ponuđač dostavio je ponudu za LOT 3-Održavanje i servisiranje službenih vozila u garantnom roku marke Volkswagen, i to ponuđač: MRM export import d.o.o.

- da ponuda ponuđača nije prihvatljiva iz razloga što ponuđač MRM export import d.o.o. nije dostavio odgovarajući Obrazac za cijenu ponude Aneks I za LOT 3-Održavanje i servisiranje službenih vozila u garantnom roku marke Volkswagen, za koji se ponuđač prijavio, već je dostavio Aneks I za LOT 1-Održavanje i servisiranje službenih vozila van garantnog roka marke AUDI (tačka 5.1. Tenderske dokumentacije), te ponuđač nije dostavio Izjavu o uslugama šlepanja vozila (tačka 5.6.4. Tenderske dokumentacije).

Obzirom da ponuda nije potpuna i ne ispunjava zahtjeve iz tenderske dokumentacije, ugovorni organ dužan je odbaciti ponudu u skladu sa članom 68. St. 4 Zakona o javnim nabavkama, te shodnom primjenom člana 69. stav 2. tačka d) postupak nabavke održavanja i servisiranja službenih vozila u garantnom roku marke Volkswagen se poništava.

Na prijedlog Komisije Ugovorni organ je donio odluku kao u dispozitivu.

Dostaviti:

- MRM export-import d.o.o.
- a/a.

GENERALNI REVIZOR

Dževad Nekić, dipl. oec.

